

**Silaannakkut angallanneq pillugu inatsimmut allannguutissat aamma silaannakkut angallassissutit nalunaarsortarnissaannik pisinnaatitaaffiit pillugit inatsimmut peqqussutip Kalaallit Nunaannut atortuulersinnissaat pillugu peqqussut**

UAGUT, MARGRETHE AAPPAT, Guutip saammaassineratigut Danmarkimut Dronningi, nalunaarpugut:

Silaannakkut angallanneq pillugu allannguutitut inatsimmi nr. 470 maajip 18-ianni 2011-meersumi<sup>1)</sup> § 3, silaannakkut angallanneq pillugu inatsimmut allannguummi juunip 12-anni 2013-imeersumi<sup>2)</sup> § 3, silaannakkut angallanneq aamma silaannakkut angallassissutitut pisinnaatitaaffiit nalunaarsugaanerit pillugu inatsimmut nr. 655 juunip 12-anni 2013-imeersumi<sup>3)</sup> § 4 aamma silaannakkut angallanneq pillugu inatsimmut allannguummi inatsit nr. 602 juunip 4.-anni 2016-imeersumi<sup>4)</sup> § 4-mi tv-kkut alapernaarsuineq, timersornikkut aalajangersimasumik pisoqanerani isumannaallisaneq pillugu inatsit, neriniartarfiuteqarneq imigassallersinnaanermullu il.il. akuersissutit pillugit inatsit aamma inatsisit assigiinngitsut allat, malillugu aalajangersarneqarpoq:

**§ 1**

Inatsit Kalaallit Nunaanni silaannakkut ingerlatsinermut tunngasoq, tak. Inatsimmut nalunaarsuut nr. 408 martsip 11.-anni 1985-mi allanngortinneqartoq 11. marts 1987-mi nr. 117 inatsit nr. 429 13. juni 1990-minngaanneersoq, inatsit nr. 837 18. december 1991-minngaanneersoq, inatsit nr. 1087 23. december 1992-minngaanneersoq, inatsit nr. 328 14. maj 1997-minngaanneersoq, inatsit nr. 1114 29. december 1997-minngaanneersoq, inatsit nr. 346 17. maj 2000-minngaanneersoq, inatsit nr. 340 16. maj 2001-minngaanneersoq, inatsit nr. 1074 17. december 2002-minngaanneersoq, inatsit nr. 323 5. maj 2004-minngaanneersoq § 2-mi, inatsit nr. 475 9. juni 2004-minngaanneersoq, inatsit nr. 278 20. april 2005-minngaanneersoq § 2-ani aamma inatsit nr. 242 af 21. marts 2007-minngaanneersoq,

**1.** Inatsisip ilaani tamani “Statens Luftfartsvæsen”, “luftfartsvæsenet” aamma “Luftfartsvæsenet” allanngortinneqassapput, imaalillugit: “Angallassinermik Aqutsisoqarfik”.

**2.** § 2, *imm.* 2-mi “c)-p ataani” imaalissaaq: “*imm.* 1-imi, litra c.”.

**3.** § 13-mi *imm.* 4-tut ivertinneqassaaq: “*Imm.* 4. Silaannakkut angallassissut nalunaarsuummit peerneqarsinnaavoq piginnittuulersutut nalunaarutigisaq nalunaarutigisinaanngikkaanni, pissutigalugu nalunaarnissamik noqqaassut, silaannakkut angallassissumik piginninnermut uppersaammik pisarneq imaluunniit § 7-imi piumasaqaataasutut nalunaarsimasut naammassisimangikkaanni, nalunaarsuisussatut oqartussaaffimmut saqqummiussimangikkaanni, piginnittuulersullu nalunaarnissamik oqartussaasumit piffissatut killigititaq qaangiutsinnagu nalunaarsuinisamat pisariaqartut tunniussimangippagit.”

**4.** § 20, *imm.* 3-mi “§ 2 c)” imaalissaaq: “§ 2, *imm.* 1, litra c”.

**5.** § 21, *imm.* 2-mi “§ 2 b)” imatut allanngusaaq: “§ 2, *imm.* 1, litra b”.

**6.** § 21, *imm.* 3-mi “§ 2 c)” imaalissaaq: “§ 2, *imm.* 1, litra c”.

**7.** § 26, *imm.* 3, imatut allanngussaaq “c)-p ataani” imaalillugu: “imm. 1-imi, litra c,” aamma “d)-p ataani” imaalillugu allanngussaaq: “imm. 1-imi, litra d,”.

**8.** § 40 c-mi “1-4” imatut allanngussaaq: “1-9”.

**9.** § 40 d, *imm.* 1-imi, aamma § 40 e, *imm.* 1-imi “5” imaalissaaq: “10”.

**10.** § 40 d, *imm.* 1,-imi “isumannaallisaanermi sinniisuusooq” imaalissaaq: “sulinermi avatangiisinut tunggasuni sinniisuusooq”.

**11.** § 40 d, *imm.* 2-mi “isumannaallisaanermi sinniisuusup” imaalissaaq: “sulinermik avatangiisinut tunggasuni sinniisuusup”.

**12.** § 40 d, 2-4-mi “isumannaallisaanermi sinniisooq” imaalissaaq: “sulinermi avatangiisinut tunggasuni sinniisooq”.

**13.** § 40 d, *imm.* 5-imi “Isumannaallisaanermi sinniisooq” imaalissaaq: “Sulinermi avatangiisinut tunggasuni sinniisooq”.

**14.** § 40 e, *imm.* 1-imi “isumannaallisaaneq pillugu Ataatsimiititaliaq” imaalissaaq: “Sulinermi avatangiisit pillugit suleqatigiiffik”.

**15.** § 40 e, *imm.* 2, *imm.* 1, *imm.* 3 aamma 4-mi “Isumannaallisaanermut ataatsimiititaliaq” imaalissaaq: “Sulinermi avatangiisinut suleqatigiiffik”.

**16.** § 40 e, *imm.* 2, *imm.* 1, § 40 f, *imm.* 1 aamma § 40 g, *imm.* 2-mi “Isumannaallisaanermi sinniisui” imaalissaaq: “Sulinermi avatangiisinut tunggasuni sinniisui”.

**17.** § 40 e, *imm.* 2, *imm.* 2-mi “Isumannaallisaanermi ataatsimiititaliaq ataaseq” imaalissaaq: “Sulinermi avatangiisinut tunggasuni suleqatigiit ataatsit”.

**18.** § 40 f, *imm.* 1-imi “isumannaallisaanermi ataatsimiititaliat” imaalissaaq: “Sulinermi avatangiisinut tunggasuni suleqatigiiffik”.

**19.** § 40 g, *imm.* 2-mi “isumannaallisaanermi ataatsimiititaliat” imaalissaaq: “Sulinermi avatangiisit pillugit suleqatigiiffiit” aamma “ataatsimiititaliat” imaalissaaq: “Sulinermi avatangiisit pillugit suleqatigiiffiit”.

**20.** § 62-mi *imm.* 2-tut ivertissaaq:

“*Imm.* 2. Ministerip aalajangersarsinnaavaa mittarfinnut tamanut atugassatut ammatitaanngitsunut, kisianni inuiaqatigiinnut pingaarutilinnut, mittarfinnut mikkiartorneq taamatulli isumannaatsuutinneqassasooq malittarisassat ataani aalajangersakkat naapertorlugit, immikkulli pisoqartillugu ministerimit uniortinneqarsinnaasut”.

**21.** § 89 b, *imm.* 1-imi “timmisartukkut ajutoorneq imaluunniit”-ip kingorna ivertinneqassaaq “annertuumik”.

**22.** § 90, *imm.* 1, nr. 3-mi “timmisartukkut angallassissummik Danmarkimiit Danmarkimullu kingoqqivimmit” imaalissaaq: “timmisartukkut angallassissummik Danmarkip allallu akornanni”.

**23.** § 90 a, *imm.* 2-mi “Danmarkimut Danmarkimiillu silaannakkut angallassissummik” imaalissaaq: “silaannakkut angallassissutinik Danmarkip allallu akornanni”.

**24.** § 111, *imm.* 1 aamma 2,-mi “100.000” imaalissaaq: “113.000”.

**25.** § 111, *imm.* 3-mi “4.150” imaalissaaq: “4.694”.

**26.** § 111, *imm.* 4-mi “1.000” imaalissaaq: “1,131”.

**27.** § 111, *imm.* 5-imi “17” imaalissaaq: “19”.

**28.** Kapitali 9-p kingornani ivertissaaq:

“Kapitali 9 a

*Dronenik minnerusunik nakkutiginnineq*

*Nassuiaat*

**§ 126 b.** Drone paasisassaavoq tassaasoq timmisartooq inuttaqanngitsooq.

*Imm. 2.* Dronetut minnerusutut paasisassaavoq timmisartooq inuttaqanngitsooq, imm. 3 malillugu oqimaassusissamik killigititap qullasinneraata iluanittoq.

*Imm. 3.* Transport- og bygningsministerip aalajangersassavai dronenik minnerusumik paasinninnermut oqimaassusissaq qaffasinnerpaq pillugu aalajangersakkat erseqqinnerusut.

*Imm. 4.* Transport- og bygningsministerip aalajangersarsinnaavai aalajangersakkat oqimaassusissatut killiliussap erseqqinnerusumik aalajangersakkap iluani tamakkiisumik ilaanaakortumilluunniit inatsimmi matuminnga uniuissinnaasut.

*Timmisartumik ingerlatsinermut aalajangersakkat*

**§ 126 c.** Dronenik minnerusunik ingerlatsineq ingerlanneqassaaq pissusissat makku malillugit inuit allat inuunerat pigisaallu navi-anartorsiortinneqassanngitsut allatullunniit ajoquserneqassanngitsut

*Imm. 2.* Dronenik minnerusunik ingerlatsineq pissaaq taamaallaat timmisartortitsinermi isumannaallisaanermi sumiiffiit pingaarluinnartut aamma pinngortitami sumiiffiit immikkut mianerisariallit avataanni, imaassimanngippat imm. 4 aamma 5-imi aammalu § 126-mi aalajangersakkat malillugit aalajangersaqarpat.

*Imm. 3.* Transport- og bygningsministerip timmisartunik ingerlatsinermut aalajangersakkat erseqqinnerusut aalajangersartassavai.

*Imm. 4.* Transport- og bygningsministerip timmisartortitsinermi sumiiffiit pingaarluinnartut aamma sumiiffiit pinngortitami immikkut mianerisariallit qulaannissaannut aalaja-

ngersakkat erseqqinnerusut aalajangersartassavai, tak. imm. 2.

*Imm. 5.* Transport- og bygningsministerip justitsministeri isumaqatigiinniarfigereerlugu aalajangersartassavai erseqqinnerusut timmisartornikkut isumannaallisaanermi immikkut pingaarluinnartunik dronenik minnerusunik qulaatsisinnaanermut aalajangersakkat, tassunga ilagitillugit dronenut oqimaassusissamik minnerpaaffissamik ataassisunut, aamma aalajangersakkat inuit ataasiakkaatut eqqissimanissaannik isumannaarinissamik siunertat.

*Illoqarfinni sanaartorfiit avataanni ingerlatsineq*

**§ 126 d.** Dronenik illoqarfinni sanaartoriusut avataanni ingerlatsinermi piumasarineqarpoq ingerlatsisup dronemut transport- og bygningsministerimit tunniussaasumik allagartartaarsimanissaa, dronenik ingerlatsisooq timmisartuaqqanik piginnittut timmisaartitsisartut suleqatigiiffianni ilaasortaasimanngippat. Dronenut allagartaaq politiit piumasaqarne-ratigut takutinneqartassaaq.

*Imm. 2.* Dronenik minnerusunik illoqarfiup avataanni ingerlatsinermi piumasarineqarpoq dronenik piginnittup § 130 naapertorlugu akissusaanermut sillimmasersimanissaa.

*Imm. 3.* Dronenik minnerusunik illoqarfiit avataanni ingerlatsinermi piumasarineqarpoq drone suussusersineqassasoq, aamma dronenik piginnittoq Trafik- og Byggestyrelsimi nalunaarsimasooq, imaassimanngippat ingerlatsineq pisoq timmisartuaqqanik timmisaartitsisarfirmi akuerisaasumi silaannarmilu tamatumunnga atasumik akuerisaasumik pisoq.

*Imm. 4.* Transport- og bygningsministerip aalajangersartassavai aalajangersakkat erseqqinnerusut pissutsit imm. 1-3-mi taaneqartut pillugit, tassunga ilagitillugit aalajangersakkat dronenut allagartartaarnissamut nalunaarsuinissamullu aalajangersakkat.

*Imm. 5.* Transport- og bygningsministerip aalajangersarsinnaavai aalajangersakkat erseqqinnerusut illoqarfiup avataanni dronenik minnerusunik ingerlatsinissamut tunngasut, dronep ilusiligaanera imaluunniit oqimaassu-

sia pissutigalugu timmisartortitsinermi isumannaatsuunermik annertunerusumik navianartorsortitsisinnaappat, taamaallaat pisinnaasoq ingerlatsisoq 16-inik ukioqalereersimappat.

#### *Illoqarfiup iluani ingerlatsineq*

§ 126 e. Dronenik minnerusunik ingerlatsineq pisinnaavoq taamaallaat inuussutissarsutigalugu siunertalinnut, aamma imaassimappat

- 1) ingerlatsisoq dronemut transport- og bygningsministerimit tunniussamik allagartaqartoq,
- 2) ingerlatsisoq 18-inik ukioqalereersimasoq,
- 3) dronemik piginnittoq § 130 naapertorlugu akisussaasuunermut sillimmasiisimasoq,
- 4) droneq suussusersineqarsinnaasoq aamma
- 5) droneq Trafik- og Byggestyrelsenimi nalunaarutigineqarsimasoq.

*Imm. 2.* Dronemut uppersaat politiit piumasaqarneratigut takutinneqartassaaq.

*Imm. 3.* Transport- og bygningsministerip imm. 1-imi piumasagaatitut aalajangersakkat erseqqinnerusut, tassunga ilagitillugu dronemut uppersaatip nalunaarsugaanissaa.

#### *Ingerlatsineq timmisartornikkut isumannaatsuunermik annertunerusumik navianartorsortitsisinnaasumut attuumassuteqartoq*

§ 126 f. Dronenik minnerusunik ingerlatsineq timmisartornikkut isumannaatsuunermik annertunerusumik navianartorsortitsisinnaanermut attuumassuteqartoq, tassunga ilaatigut ilagitillugu dronemik ingerlatsineq inuit silami katersuusimaffiini, piumasagaatitaqarpoq transport-og bygningsministerimit akuerineqarsimanissamik.

*Imm. 2.* Transport- og bygningsministerip aalajangersartassavai akuersissuteqarnermut aalajangersakkat erseqqinnerusut aamma timmisartornikkut isumannaatsuunermik annertunerusumik navianartorsortitsisinnaasumut attuumassuteqartumik ingerlatsinermut.

#### *Imigassamik, aanngajaarnartunik, nappaammik il.il. sunnersimaneqarluni ingerlatsineq*

§ 126 g. Illoqarfiup iluani dronenik minnerusunik ingerlatsineq ingerlatsiniarnerluunniit tamatumunnga tunngasumik § 126 f naapertorlugu akuersissummik pisimanissamik piumasagaatillimmi, pisinnaangilaq ingerlatsisoq ima annertutigisumik imigassartorsimappat, allaat

- 1) ingerlatsinerup nalaani taassumalu kingorna aamma imigassamik sunnersimaneqarnerup 0,50 promille qaangersimappagu imaluunniit ingerlatsinerup nalaani kingornalu imigassamik sunnersimaneqarnerup silammut anersaarnermi silaannarmi literimut 0,25 mg qaangersimappagu imaluunniit
- 2) ingerlatsisup allatigut drone toqqissisimantumik ingerlassinnaanngippagu.

*Imm. 2.* Illoqarfiup iluani dronenik minnerusunik ingerlatsineq ingerlatsiniarnerluunniit imaluunniit § 126 f naapertorlugu ingerlatsineq, tamatumani piumasarineqartoq, pissanngilaq ingerlatsisup ingerlatsinerup nalaani kingornalu aava aanngajaarnartunik akoqarpat, transport- og bygningsministerimit immikkoortulerneqarsimasunik timmisartornikkut isumannaatsuunissamut ulorianartutut, aamma inatsisit malillugit nakorsaatilik allagartaliinerit malillugit iineqarsimangitsunik, iisineq allagarsiussat malillugit pisimangippat.

*Imm. 3.* illoqarfiup iluani dronenik minnerusunik ingerlatsineq imaluunniit § 126 f malillugu akuersissuteqarnermik ingerlatsinarneq pisassanngillat dronemik ingerlatsisoq nappaammik pissuteqartumik, nukillaanganermik, ilungersuavallaarnermik, sinnakilliornermik, eqeersaatilik anniarnaveersaatillunniit assigisaannillunniit ima sunnerneqarsimappat droneq naammattumik toqqissisimanartumik ingerlassinnaanagu.

*Imm. 4.* Politiit qanoq ilisukkullunniit piumasarisinnaavaat dronemik minnerusumik ingerlatsisup anerneranik, qisianik kiaguanil-

luunniit misiliinissaq imaluunniit isaanik misissuinissaq.

*Imm. 5.* Politiit dronemik minnerusumik ingerlatsisoq saqqummiussinnaavaat aammigut quumigullu misissugassanngorlugu ilimagineqarpat pineqartup imm. 1, 2 imaluunniit 3 unioqutissimagai, imaluunniit pineqartup anerneranik, qisianik kiaguanilluunniit misiliinissamut imaluunniit isaanik misissuinissamut peqataajumangippat. Pasinninneq imigassamik sunnertisimanerup saniatigut pissut sinik allanik attuumassuteqarpat, politiit aamma pineqartoq nakorsamut misissugassanngortissinnaavaat. Taamattaq ippoq imigasamik sunnersimaneqarnemik pasinninneq, pissutsit immikkut ittut tamanna pisariaqartilerpassuk.

*Imm. 6.* Justitsministerip aalajangersakkat erseqqinnerusut aalajangersarsinnaavai misiliinerit misissuinerillu imm. 4-mi aamma 5-imi pineqartut pillugit.

*Angallannermut paasissutissiissutit aamma ilusilersiueq, atortut aamma aserfallatsaaliueq*

**§ 126 h.** Transport- og bygningsministerip §§ 126 b – 126 g-mut pissutsit taaneqartut saniatigut dronenut minnerusunut teknikikkut pissutsit immikkut ittut pillugit erseqqinnerusunik aalajangersagaliorsinnaavoq, taakkununga ilagitillugit dronenik minnerusunik ingerlatsinermut tungasunik angallannermut paasissutissiinerit aamma ilusiliinerit, atortut aamma aserfallatsaaliuinerit pillugit.

*Politiit aamma annaassiniarnissamut upalungaarsimaneq*

**§ 126 i.** Transport- og bygningsministeri illersornissamut ministeri isumaqatigiinniaqatigereerlugu aalajangersagaliorsinnaavoq dronenut minnerusunut, annaassiniarnermut upalungaarsimanermut atasumik taakkua atugaa neranni pissutsit immikkut ittut pillugit.

*Imm. 2.* Justitsministeri transport- og bygningsministeri isumaqatigiinniaqatigereerlugu politiit dronenik minnerusunik atuinerat

pillugu pissutsit immikkut ittut pillugit aalajangersaasinnaavoq.”

**29.** § 130, imm. 1, imm. 1-imi “§ 2 a)” imaalissaaq: “§ 2, imm. 1, litra a”, aamma “§ 2 c)” imaalissaaq: “§ 2, imm. 1, litra c”.

**30.** § 130, imm. 1, imm. 2-mi “§ 2 c)” imaalissaaq: “§ 2, imm. 1, litra c”.

**31.** § 130, imm. 3-mi “§ 2 b)” imaalissaaq: “§ 2, imm. 1, litra b”, aamma “§ 2 c)” imaalissaaq: “§ 2, imm. 1, litra c”.

**32.** § 134, imm. 1-imi “timmisartornikkut pisut” kingorna ivertinneqassaaq: “, tak. § 136”.

**33.** § 135 imatut oqaasertalerneqarpoq:

“§ 135. Timmisartumik ajunaarneq (ajutoorneq), timmisartornikkut pisut pissuanartut (pisut pissuanartut) inatsimmi matumani paasineqassapput imm. 2-4-mi nassuiaatit naaper torlugit.

*Imm. 2.* Ajutoorneq-mi paasineqassaaq: Pisoq timmisartukkut angallassissutip ingerlaneranut attuumassuteqartoq, silaannakkut angallassissut inuttaqanngitsoq eqqarsaatigalugu pisoq piffissami aalajangersimasumi, inuk silaannakkut angallassissummut ikisoq timmisartorniarluni, allallu tamarmik nioreerneratigut, imaluunniit silaannakkut angallassissummut tunngatillugu tinginiarluni ingerlanissaminut piareerneratigut, aamma timminerup naammassinerani uninnerani, aamma ingerlassissut pingaarneq qamereertillugu, pisoqartoq:

- 1) inuk aqqunartoq toqussutigisaminik imaluunniit annertuumik makkua kingunerannik
  - a) silaannakkut angallassissummiikka mi,
  - b) silaannakkut angallassissutip ilaanut, ilaannullunniit allanut, silaannakkut angallaasissummit kaanngarsimasunut toqqaannartumik attuumagami, imaluunniit
  - c) jetmotorip silaannarmik naqitsinera nit ajoquserneqarami, imaassiman-

ngippat ajoqusernerit pisunik nalinginnaasunik peqquteqartut, inummit namminermit inunnilluunniit allanit pilersitaasunik, imaluunniit ajoqusernerit eqqorsimappatigik nalunaarfigineqaratik ilaasut, ilaasut nalinginnaasut aamma inuttaasut nalinginnaasunik najorsinnaasaata avataani toqqoqqasimasut,

- 2) silaannakkut angallassissut ajoqusersimasoq ilusiligaanermigulluunniit kukkusaa-simasoq, ilusiata patajaanneranik annik-lisitsisumik imaluunniit silaannakkut angallassissutip pisinnaassusianik imaluunniit timmissinnaassusianik annik-lisitsisumik, aamma nalinginnaasumik pisariaqartitsisussamik annerusumik ilu-arsaannissaannut ilaanilluunniit kingo-raarsersuinissamik, pingikkaanni motoriata kukkusaanera imaluunniit motoriata ajoqusernera, ajoquserneq motorimut ataatsimut (tassunga ilatigillugit motorip qalliutai atortuilu) killeqarsimappat, sarpiinut, suluusaasa isuinut, antenniinut, malussarniutaanut, ventiliinut, assakaasuisa qaavinut, bremsiinut, assakaasu-inut, attuunnaveersaatinut, qallersuutinut, as-sakaasunut ammartaatinut, saavani iga-laavinut, silaannakkut angallassissutip qallersuutaanut (soorlu singlarnerit imaluunniit putunerit) imaluunniit sarpiusani kaavittuni ajoqusitsiarnerit, kingornani sarpiusaani, minnermut atortuini kiisalu ajoqusernerit minnerusut soorlu nataq-qornanit imaluunniit timmissanik apu-neri (radariata puuani putunerit) imaluunniit

- 3) silaannakkut angallassissut tammaaneqarpat nanineqaranilu.

*Imm. 3.* ”pisoq”-tut paasineqassaaq: Pisonarnera ajutoornerunngitsoq, kisianni silaannakkut angallassissutip ingerlanneranut atasumik pilersoq, ingerlatsinermullu atasumik isumannaatsuunermut sunniuteqartoq imaluunniit sunniuteqarsimasinnaasoq.

*Imm. 4.* ”Pisoq ilungersunartoq”-tut paasineqassaaq: Pisoq pisoqarfiusoq taakkunatigut ersertumik annertuumik ilimanaateqartoqaju-

toornermi, tamannalu attuumassuteqartoq silaannakkut angallassissutip ingerlanneqarneranut, silaannakkut angallassissummi inuttalimmi pilersoq piffissami aalajangersumi inuup silaannakkut angallaasissummut angalariarluni ikineraniit, aamma issimasut tamar-mik niunerannut, imaluunniit silaannakkut angallassissut inuttaqanngitsoq pineqartillugu pineqarluni piffissaq aalajangersimasoq silaannakkut angallassissutip timminiarluni nikeriarnaniit, angalareernikkut uninnerata tungaanut, aamma ingerlatit pingaarnit unit-sillugit qaminneqarnerannut.”

**34.** § 136, *imm. 1*, imatut oqaasertalerneqarpoq:

”Ajutoornerit pillugit misissuisartutut ataatsimiititaliat ajutoornerit pisullu makku misissortassavaat:

- 1) Ajutoornerit silaannakkut inunnik angallassissutit Danmarkimi imaluunniit naalagaaffinnit allaneersut nalunaarneqarsimasut pineqartillugit, ajutoorneq pippat danskit oqartussaaffiata silaannartaani nunataaniluunniit,
- 2) ajutoornerit silaannakkut inunnik angallassissutit Danmarkimi nalunaarneqarsimasut akuusimappata, ajutoorneq pisi-mappat naalagaaffiup oqartussaaffiata avataani imaluunniit silaannartaani nunataaniluunniit, naalagaaffik pineqartoq misissuissalluni imminut pisussaatis-simangippat,
- 3) pisut ilungersunartut silaannakkut inunnik angallassissutit aallarnerminni oqimaassuseq tamakkiisoq 2.250 kg-mik oqimaassuseqarlutik danskit oqartussaaffiata silaannartaani nunaaniluunniit issimappata, aamma
- 4) danskit oqartussaaffiata avataani pisut ilungersunartut silaannakkut inunnik angallassissutit Danmarkimi nalunaarneqarsimasut aallalernerminni 2.250 kg-mik annerpaamik oqimaasusillit akuusimappata, imaassimangippat naalagaaffimmik allamik isumaqatigiissuteqarsimappat, misissuineq taassuma ingerlatissagaa.”

**35. § 137, imm.** 1-imi “pisoq”-p kingornagut ivertinneqassaaq: “, tak. § 136,”

**36. § 138, imm.** 1-imi “pisoq”-p kingorna ivertinneqassaaq: “, tak. § 136”.

**37. § 138, imm.** 2-mi “pisoq”-p kingorna ivertinneqassaaq: “, tak. § 136”.

**38. § 139, imm.** 1-imi “ajutoorneq”-rup kingorna ivertinneqassaaq: “, tak. § 136,”

**39. § 147-p** kingorna ivertinneqassaaq:

”§ **147 a.** Timmisartortitseqatigiit aamma mittarfiit silaannakkut angallannermut atugaaner at tamanut ammasut, pisariaqartumik pilersaarusiussapput silaannakkut angallannermi upalungaarsimanissaq pisinnaasullu immikkut ittut allat upalungaarsimaffigisassat qulakkeerniarlugit.

*Imm.* 2. Timmisartortitseqatigiit mittarfiillu silaannakkut angallannermut atugaaner at tamanut ammasut, pisussaatinneqassapput angallassisinnaanermik piginnaassuseq aamma atortulersuutit piareersimatissallugit pisuni imm. 1-imi taaneqartuni tamakkiisumik taarsiivigineqarumaagassatut.

*Imm.* 3. Trafikstyrelsenip pingaarnertut upalungaarsimanissamik sulianik ataqatigiissaarineq tamatuminnгалu nakkutilliineq isumagissavaa.

*Imm.* 4. Inuit ulupalungaarsimanissami peqataasut Kalaallit Nunaanni Pinerluttulerinnermik Inatsimmi §§ 50-54 malillugit akisussaaqut pisussaapput susassaqqanngitsunut paasisutissanik mianernartumik, upalungaarsinnermut tunngatillugu sulinnermini paasisimalikkaminnik isertuussissallutik, taamaattoq tak. imm. 5.

*Imm.* 5. Paasisutissat mianernartut imm. 4-mut ilagittinneqartut, ingerlateqqinneqarsinnaapput nunani allani oqartussaasunut aamma nunani tamalaani suliniaqatigiiffinnut, Danmarkip nunani tamalaani pisussaaffiinut naapertuuppata.

*Imm.* 6. Transportministeri pissutsinut imm. 1 aamma 2-mi taaneqartunut malittarisassanik erseqqinnerusunik aalajangersaasinnaavoq.”

**40. § 148** imatut oqaasertalerneqarpoq:

“§ **148.** Trafik- og Byggestyrelsenip silaannakkut inuinnarnik angallassinermut tunngasunik suliassaasa naammassinissaannut akiliutit akitsuutillu akilerneqartassapput imm. 2-7 naapertorlugit. Akiliummi matuneqartussaapput Trafik-og Byggestyrelsenip silaannakkut inuinnarnik angallassinermik nakkutilliinernat aningaasartuutit, taassuma ataani peqataasunik, akitsuutinik imm. 2 malillugu akiliussaanngitsunik nakkutilliineq, taakkuali peqataaner at silaannakkut angalasut isumannaatsuunerannut pingaaruteqartumut.

*Imm.* 2. Trafik- og Byggestyrelsenip silaannakkut inuinnarnik angallassinermik nakkutilliinermi suliasaanut timmisartortitseqatigiit ataatsit ilaasumut timmisartortitseqatigiit angallassaannut ataatsimut akiliutigisarpaat 5,50 kr. Akiliut akilerneqartarpoq ilaasunut silaannakkut angallassisummik, ilaasunut 10 sinnerlugit amerlassusilinnut atortussatut akuerisaasumut, imalunniit 5.700 kg qaangerlugu aallalernermini oqimaassusilimmut, danskit mittarfiannit, timmisartunut atugaanera tamanut ammasumit, kisianni tak. imm. 3, aallartumut angalasunut.

*Imm.* 3. Imm. 2-mi akiliut akilerneqartanngilaq ilaasunut ukiut 2 inorlugit ukiulinnut, aqqusaartunut aamma ilaasunut allamut nuuttusanut aamma timmisartortitseqatigiiffiup sulisuinut sulinnerminnut atasumik angalasunut.

*Imm.* 4. Imm. 2-mi akiliut nalimmassarneqartassaaq ukiumut ataasiarluni nalimmassarnermut 2 pct.-imik tapiinikkut ukiumut akilerarfiusumut, tak. akiliutit nalimmassarneqartarner at pillugu procenti pillugu inatsit, aamma ilanngaatigalugu ilaasut amerleriarnernat procenti qaammataini 12-ini piffissani killilikkat marluk akornanni, aallartittartoq qaammataini 36-ni aamma 24-ni aningaasaqarnermut inatsit pineqartoq sioqqullugu. Tamatum kingorna kisitsit nalimmassarneqassaaq 25 øremut qaninnermut. Transport- og bygningsministerip nalimmassaaneq ukiut tamaasa nalunaarutigisarpaa.

*Imm.* 5. Transport- og bygningsministerip aalajangersartarpei Trafik- og Byggestyrelse-

nip suliassanut allanut akiliutissat silaanakkut inunnik angallassinermut tunngasut, tassunga ilagitillugit sulilernermi nakkutillineq aamma inatsit manna malillugu pikkorissarnerit imaluunniit silaannakkut angallasinermi inatsisitigut malittarisassat.

*Imm. 6.* Akiliut imm. 2 malillugu akit-suutillu imm. 5 malillugu piffissarititap iluani akilerneqartanngippata, ernialerneqartassapput ernialiisarneq pillugu inatsimmi § 5 naapertorlugu.

*Imm. 7.* Transport- og bygningsministeri aalajangersaasinnaavoq akiliisitsiniartarneq pillugu malittarisassanik il.il. imm. 2 malillugu akiligassanik aamma imm. 5 malillugu akitsuutinik, tassunga ilagitillugit akiliinisamik eqqaasitsilluni il.il. ataasiarluni allakianut akiliutissat.

*Imm. 8.* imm. 2-mi ”danskitt” paaasineqassaartaaq isumaqartillugu ”kalaallit”.

**41.** § 149-mi *imm. 16*-itut ivertinneqassaaq:

”*Imm. 16.* Kalaallit Nunaanni pinerluttulerinermik inatsit malillugu pineqaatissiissutigineqarsinnaapput unioqqutitsinerit § 126 c, imm. 1 aamma 2-mik, § 126 d, imm. 1-3-mik, § 126 e, imm. 1 aamma 2-mik, § 126 f, imm. 1-imik aamma § 126 g, imm. 1-3-mik. § 126 g, imm. 1-3-mik unioqqutitsinernik eqqartuussissutini eqqartuussiviup pingaarut una ilanngussinnaavaa, ingerlatsisoq § 126 g, imm. 1-3 siornatigut pineqaatissinneqareersimappat.”

**42.** § 149 a, *imm. 1*-imut ivertinneqassaaq: ”timmisartumik ajutoorneq imaluunniit.” ”pingaartumik”.

**43.** § 150-imi *imm. 10-22*-tut ivertinneqassaaq:

”*Imm. 10.* Dronemik minnerusumik ingerlatsisoq dronemik minnerusumik inuussutisarsiuutigalugu ingerlatsisinnanernik, imaluunniit illoqarfiup iluani dronemik minnerusumik ingerlatsisinnanernik, § 126 f, imm. 1 malillugu akuersissummik piumasaqaateqartumik, pineqaatissiinnikkallartumik arsaarneqassaaq, imaassimappat

- 1) ingerlatsisoq § 126 g, imm. 1-imik, imm. 12, nr. 1-imut ilagitinneqanngitsumik unioqqutitsisimasooq,
- 2) ingerlatsisoq § 126 g, imm. 2, imm. 2-mik unioqqutitsisimasooq imaluunniit § 126 g, imm. 3-mik unioqqutitsisimasooq, imm. 12 nr. 2-miut ilagitinneqanngitsumik, imaluunniit
- 3) dronemik ingerlatsisoq timmisartornernik isumannaatsuunissamik pingaarutilinnik isumaginninnermi unioqqutitsinermut pisuulluni inummik pigisanillunniit ajoqusiisimappat navianartorsiortitsisimappalunniit.

*Imm. 11.* Imm. 10 malillugu pineqaatissiinnikkallartumik arsaarinninneq pisassaaq, pineqartoq ukiuni pingasuni misiligutaasumik ukiuni pingasuni eqqartuussaassasooq dronemik minnerusumik ingerlatsissanngitsoq, dronemillu minnerusumik ingerlatsisinnaaneq arsaarinnissutaassasooq.

Pineqaatissiissutaanngitsumik arsaarinninnermi arsaarinninnermik piffissarititaaq sivitsorneqassaaq.

*Imm. 12.* Dronemik minnerusumik ingerlatsisoq inuussutisarsiuutigalugu dronemik minnerusumik illoqarfiup iluani ingerlatsisinnanernik imaluunniit dronemik minnerusumik ingerlatsisinnanernik arsaarneqassaaq, tamatumani piumasaqaataammat § 126 f, imm. 1 malillugu akuersissuteqarnissaa piffissami ukiut 2 aamma 10 akornanni, imaassimappat

- 1) ingerlatsisoq § 126 g, imm. 1-imik unioqqutitsisimasooq, timminerup nalaani imaluunniit timmereernerup kingorna aammigut imigassamik sunnersimaneqarsimaguni imaluunniit silammut anersaarnikkut literimut silaannarmi 0,60 mg-imik sunnertisimasimaguni.
- 2) ingerlatsisoq pisuusimasooq § 126 g, imm. 2, imm. 1-imik, imaluunniit § 126 g, imm. 3-mik pisuni sakkortunerusuni unioqqutitsinerni,
- 3) ingerlatsisoq piaaraluni inummik allamik pigisamillunniit ajoqusiisimasooq, piaaraluni tamatumuuna navialeratarsinnaasumik mianersuaatsumik drone ingerlatillugu,



4) ingerlatsisoq pisuni arlalinni pisuusimasoq tamarmik immikkut imm. 10-mi pineqartunik, 5) ingerlatsisoq siornatigut pineqaatissiinnigikkallartumik dronemik minnerusumik ingerlatsisinnaanermik arsaarneqarsimasoq misiligaaernerminilu imm. 10-mut tunngasumik unioq-qutitsisimasoq imaluunniit

6) ingerlatsisoq siornatigut pineqaatissiinnigikkallartumik dronemik minnerusumik ingerlatsisinnaanermik arsaarneqarsimasoq nutaamil-lu unioq-qutitsilluni nr. 1- 3-mut tungasunik imaluunniit imm. 10-mut tunngasunik, misiligaanermini ukiut 2 naatinnagit unioq-qutitseqqilluni,

*Imm. 13.* Immikkut qajassuussisinnaanermik pisuni pineqaatissiinnigikkallartumik arsaarinnittoqarsinnaavoq, tamatumani imm. 12 malillugu pineqaatissiinnigikkallartumik arsaarinnineq pisinnaalluni.

*Imm. 14.* Trafik- og Byggestyrelsenip nalilersimappagu, dronemik minnerusumik ingerlatsisinnaanermik § 126 f, imm. 1 malillugu akuersissummik piumasaqaatitalimmik pineqaatissiinnermik arsaarinninnermik pineqaatissiineqartillugu, Trafik-og Byggestyrelsenip utaqqiisaasumik dronemik ingerlatsisinnaaneq, imaluunniit § 126 f, imm. 1 malillugu akuersissuteqarnermik piumasaqaatitalik unitsinnaavaa. Trafik- og Byggestyrelsenip tamatumunnga tunngatillugu ingerlatsisoq ilit-sersussavaa misileraasinnaanermut tunngasunik, ta. imm. 15.

*Imm. 15.* Dronemik minnerusumik ingerlatsisinnaasup imaluunniit dronemik minnerusumik § 126 f, imm. 1 malillugu akuersissummik peqartarialimmik arsaarallarneqarsimasup piumasarisinnaavaa arsaarinnissut eqqartuussisutigit nalilersussallugu. Eqqartuussiviup arsaarinnissut eqqartuussissutikkut aalajangersassavaa.

*Imm. 16.* Piffissaq dronemik minnerusumik ingerlatsisinnaanermik imaluunniit § 126 f, imm. 1 malillugu akuersissummik peqarluni ingerlatsisinnaanerup arsaarinnissutigisimanera pisinnaajunnaarsitaanermi ilanngaatigineqas-sapput.

*Imm. 17.* Eqqartuussissutip piumasaqaatitaqanngitsumik arsaarinnissummik ingerlatit-

seqqinneq dronemik minnerusumik ingerlatit-sisinnaanermik imaluunniit § 126 f imm. 1 malillugu akuersissummik peqarluni ingerlatsisinnaanermik arsaarneqarneq imm. 14 malillugu pisimappat, arsaarinninnermik eqqartuussissutip aalajangersarneranut kinguartitsinnermik kinguneqarsinnaanngilaq, allatigut illoqarfimmi eqqartussivimmi allatut aalajangiineqarsimannigipat. Pisuni allani eqqartuussiviup unnerluussisussaasumit noqqaassut malillugu eqqartuussutikkut alajangersarsinnaavaa suliassangortitsineq kinguartitsinnermik kinguneqassanngitsoq.

*Imm. 18.* Dronemik minnerusumik ingerlatsisinnaaneq imaluunniit § 126 f, imm. 1 malillugu akuersissummik peqarluni ingerlatsisinnaaneq imm. 14 malillugu arsaarinnissuteqarneq suliassami arsaarinninnermik pinngitsuuisitsinnermik aalajangiivigineqarsimappat, imaluunniit arsaarinnineq pineqaatissiinnigikkallarnerusimappat, dronemut allagartaq imaluunniit § 126 f, imm. 1 malillugu akuersissut utertinneqassaaq, naak eqqartuussut suliassangorteqqinneqaraluarpuunniit.

*Imm. 19.* Dronemik minnerusumik ingerlatsisinnaaneq imaluunniit § 126 f, imm. 1 malillugu akuersissummik peqarluni ingerlatsisinnaaneq inatsit manna malillugu arsaarinnissutigineqarsimappat ukiut pingasut sinnerlugit atuuttumik, pisaqqissinnaanermik apeq-qut arsaarinnissummi piffissarititaq naatinnagu eqqartuussisunut ingerlatinneqassaaq. Tunniussineq pinerluttulerinnermik inatsimmi § 164, imm. 3 malillugu malittarisassat malillugit pissaaq, aamma siusinnerpaamik arsaarinninnermit ukiut pingasut qaangiutereersimappata. Akuersissut tunniunneqarsinnaavoq taamaallaat pissutsit immikkut ittut pisimappata. Ingerlatsisinnaanermik akuersissut siornatigut pineqartumik piumasaqaatitaqanngitsumik arsaarinninnikkut, dronemik minnerusumik ingerlatsisinnaanermik imaluunniit § 126 f, imm. 1 malillugu akuersissummik peqarluni ingerlatsisinnaanermik akuersissummik nuutitsineq piffissap arsaarinniffiusup naannginnerani immikkorpiaq ittumik pisinnaavoq, tunniussinerlu siusinnerpaamik pisinnaavoq

arsaagaanermiit piffissami ukiut arfinillit ingerlareersimalerpata.

*Imm. 20.* Piffissap aarsaagaaffiusup naannginnerani dronemik minnerusumik ingerlatsisinnaanermik imaluunniit § 126 f imm. 1 malillugu akuersissummik peqarluni drone-mik minnerusumik ingerlatsisinnaanermik nu-taamik arsaagaasimagaani, imm. 19-imi eq-qartuussisunut eqqartuussummit kingullermiit tunniusseqqissinnaanermik piffissamat killigitat naatsorsorneqassapput eqqartuussummit kingullermit pineqartup arsaagaaffianiit.

*Imm. 21.* Kalaallit Nunaanni eqqartuussisar-neq pillugu inatsimmi kapitali 42 atuutissaaq arsaagaasimanermit imaluunniit dronemik minnerusumik ingerlatsisinnaanermik drone-milluunniit § 126 f. imm. 1 malillugu akuersissummik peqarluni ingerlatsisinnaanermik arsaagaasimanermik taarsivigineqarnissamik piumasaqarnermut, pillarneqanermik malersorneqarnermut.

*Imm. 22.* § 150, imm. 1-9, aamma §§ 150 a – 150 d atuutissanngillat inuussutissarsiutigalugu dronemik illoqarfiup iluani ingerlatsisinnaanermik imaluunniit § 126 f, imm. 1 malillugu akuersissuteqarluni dronemik minnerusumik ingerlatsisinnaanermik arsaarinninnermi.”

**44.** § 150 e, *imm. 1* imatut oqaasertaligaavoq: “Transportministerip inatsimmi matumani tamannalu tunngavigalugu malittarisassani aalajangersarneqarsimasuni aalajangersakkanik malinninnerup nakkutiginnissaa. Ministeri tamatuma ataani inerteqquteqarsinnaassuteqarlunilu peqqussuteqarsinnaavoq timmisartornermi isumannaallisaanermut annertuumik navialisoqaratarsinnaaneranik pinngitsuuinissamik pisariaqartitaasut naliligaasunik. Ministerip aamma peqqusissutigisinnavaa pisutsit tamanna malillugu aalajangersarneqarsimasut pinasuartumik aaqqiivigineqassasut imaluunniit erseqqinnerusumik piffissaliussap iluani.”

**45.** *Ilaliussaq 1, § 90, imm. 1-imi*, “silaannakkut angallassissummik Danmarkimiit Danmarkimullu” imaalissaaq: “Danmarkip

allallu akornanni silaannakkut angallassissutinik”.

## § 2

Silaannakkut angallassissutinik ingerlatsisinnaanermut akuersissutinik nalunaarsuineq pillugu inatsimmi, Kalaallit Nunaanni atortuulersinneqartumi, tak. inatsisinut nalunaarut nr. 620 septembarip 15-ianni 1986-imeersoq, allanngortinneqartoq inatsit nr. 396 13. juni 1990-imi § 14-ikkut, inatsisikkut nr. 1088 decembarip 23-anni 1992-ikkut aamma inatsimmi nr. 1082-imi decembarip 20-anni 1995-imeersumi § 13-ikkut allanngortinneqartumi, allannguutit makku ivertinneqassapput:

1. § 1, *imm. 1, § 7, § 8, imm. 1* aamma § 11, *imm. 1-imi* “Statens Luftfartsvæsen” imaalissaaq: “Trafikstyrelsen”.
2. § 9, *imm. 2-mi* “Statens Luftfartsvæsen” imaalissaaq: “Trafikstyrelsen”.
3. Piffinni marlunni § 16, aamma § 31-mi “Trafikministeren” imaalissaaq: “Transportministeren”.
4. § 18-imi “Statens Luftfartsvæsen” imaalissaaq: “Trafikstyrelsen” piffinnilu marlunni “luftfartsvæsenets” imaalissaaq: “Trafikstyrelsenip”

## § 3

*Imm. 1.* Peqqussut atuutilerpoq januaarip 1.-anni 2018, kisianni tak. imm. 22017.

*Imm. 2.* Transport-, bygnings- og boligministerip aalajangersassavaa peqqussummi § 1, nr. 28, 41 aamma 43 atuutilerfissaat. Ministerip tamatuma ataani aalajangersarsinnaavaa normut assigiinngitsut taakku piffissani assigiinngitsuni atuutilissasut.

*Imm. 3.* Ukiumoortumik akileraarutit akiliutillu silaannakkut angallassinermik inatsimmi § 148, imm. 1, nr. 2, imm. 2, nr. 2, imm. 3, nr. 2, imm. 4, nr. 2, imm. 5 aamma imm. 6 aamma malittarisassat silaannakkut angallassinermik inatsimmi § 148, imm. 8-mi aala-

jangersarneqartut aalajangersakkat maannamut atuuttut malillugit aalajangersarneqartut taarsiivigineqassapput, pineqartillugit ukiu-  
moortumik akileraarutit aamma ukiumoor-  
tumik akiliutinut piffissat killilikkat inatsisip

atuuffia qaangerlugu atortitaasut. Taarsiinis-  
saq pillugu Trafik-, Bygge- og Boligstyrelsen  
aalajangersaasinnaavoq malittarisassanik er-  
seqqinnerusunik tamatumunnga tunngasunik.

*Tunniunneqartoq Christiansborg Slotimi*

Kunngisut Atsiornitsigut Naqissusiinitsigullu

MARGRETHE R.

/ Ole Birk Olesen

---

1) Aalajangersagaq ima oqaasertaqarpoq: “§ 3. Inatsit Savalimmiuni Kalaallit Nunaannilu atuutinngilaq, kisianni tamakkiisumik ilaannakortumilluunniit kunngip peqqussutaatigut atortulersineqarsinnaavoq allannguutit Kalaallit Nunaanni Savalimmiunilu pissutsit pisariaqartitaat naapertorlugit.”

2) Aalajangersagaq ima oqaasertaqarpoq: “§ 3 Inatsit Savalimmiuni Kalaallit Nunannilu atuutinngilaq, kisianni tamakkiisumik ilaannakortumilluunniit kunngip peqqussutaatigut atortulersinneqarsinnaavoq allannguutit Kalaallit Nunaanni Savalimmiunilu pissutsit pisariaqartitaat naapertorlugit.”

3) Aalajangersagaq ima oqaasertaqarpoq: “§ 4 Inatsit Savalimmiuni Kalaallit Nunannilu atuutinngilaq, kisianni tamakkiisumik ilaannakortumilluunniit kunngip peqqussutaatigut atortulersinneqarsinnaavoq allannguutit Kalaallit Nunaanni Savalimmiunilu pissutsit pisariaqartitaat naapertorlugit.”

4) Aalajangersagaq ima oqaasertaqarpoq: “§ 3 Inatsit Savalimmiuni Kalaallit Nunannilu atuutinngilaq, kisianni tamakkiisumik ilaannakortumilluunniit kunngip peqqussutaatigut atortulersinneqarsinnaavoq allannguutit Kalaallit Nunaanni Savalimmiunilu pissutsit pisariaqartitaat naapertorlugit.”